

# Èkwo-ozì Kẹ̀ Mbù, Pọ̀lu Deru Nù Ndu Tesalonayika

**1** <sup>1</sup>Èkwo-ozì-a shì l'ẹ̀ka m̀bẹ̀dua, bụ̀ Pọ̀lu alaru Chìochì Tesalonayika, bụ̀ ndu kẹ̀ Chileke, bụ̀ Nna; bya abụ̀kwarupho ndu kẹ̀ Nnajiuphu, bụ̀ Jizọ̀su Kéreshì. Ndu mu ẹ̀phe tų̀koru dee ya bụ̀ Sulivanusu yẹ̀e Timoti. Gẹ̀ Chileke meeru unu eze-iphe-ọ̀ma; mekwaaphọ̀ g'ẹ̀hu dų̀ unu guu.

## Umere ndu Tesalonayika waa ekwekwe phẹ̀

<sup>2</sup>Tekenteke, anyi epfu anų̀ Chileke, bụ̀ Nna anyi bẹ̀ anyi l'anyatajẹ̀-kwa unu. Anyi nọ̀du anọ̀duje ekele Chileke ekele ẹ̀hu unu g'unu ha. <sup>3</sup>Ọ̀ tọ̀ dų̀kpodaa teke anyi ta anyatajẹ̀du ozi unu gude ekweta jee; mẹ̀ g'unu gude n-yemobu eseshiberu akanya ike; waa g'unu gude ọ̀ta-nshi nọ̀du Nnajiuphu anyi, bụ̀ Jizọ̀su Kéreshì l'ẹ̀ka elshiberu ẹ̀nya mbọ̀ku ono ike. <sup>4</sup>Unwunna anyi; anyi makwarų̀-a lẹ̀ Chileke yeru unu obu; bya ahọ̀ta unu g'unu bya abų̀ru ndu nkiya. <sup>5</sup>Noo l'anyi byaru ezia unu ozi-ọ̀ma ono; ọ̀phu ọ̀ bų̀du-a opfu ọ̀nu bẹ̀ anyi gude zia ya unu kpų̀rumu; Chileke gu-dekwa iya phọ̀ goshi unu l'ike iya ereshi ire ike. Unme Chileke ono bẹ̀ yekwarų̀pho anyi ẹ̀ka; anyi dų̀ ike mee; unu maru ọ̀kpobe amaru l'iphe anyi ezi bụ̀ ọ̀kpobe-opfu. Umere, anyi meru teke anyi l'unu shì tų̀ko nọ̀dukota mewarurọ̀ unu maru ẹ̀gube ndu anyi bụ̀. Ọ̀ kwa g'ọ̀o-dų̀ru unu lẹ̀ ree meru g'ọ̀ gude anyi mee ẹ̀gube umere ono. <sup>6</sup>Tọ̀budu iya bụ̀; unu bya abų̀ru ndu anwų̀ ẹ̀ka anyi. Ọ̀ bų̀waruro unu anwų̀ ẹ̀ka Nnajiuphu. Ọ̀phu unu eledurọ̀ kẹ̀ l'unu eje iphe-ẹ̀huka teke e ziru unu ozi-ọ̀ma ono; unu gudelaa ẹ̀hu-ų̀tso ọ̀phu shì l'ẹ̀ka Unme-dų̀-Nsọ̀ nata ozi ono. <sup>7</sup>Ọ̀o iphe ono meru g'ọ̀ gude unu bya abų̀ru ndu iphe, bų̀kota ndu ọ̀phu, kweru kẹ̀ Kéreshì lẹ̀ Masedoniya waa l'alì Gurisu byaru awata anwų̀ ẹ̀ka phẹ̀. <sup>8</sup>Ọ̀ tọ̀ bų̀du-a l'ozì-ọ̀ma ono, shì l'ẹ̀ka Nnajiuphu, bụ̀ ozi, unubẹ̀dua l'ezì ono dzuru Masedoniya yẹ̀e Gurisu kpų̀rumu; obenu l'ekwekwe, unu kweru kẹ̀ Chileke bẹ̀ ngakọ̀taakwaru ẹ̀kameka k'ọ̀phu ọ̀ tọ̀ dų̀edu onye anyi a-bya

akọaharu iya k'iche. <sup>9</sup>Iphe, bukpoọ eka anyi jeru be aanọduje epfugbaa ke g'unu gude meshiberu anyi g'anyi byajeru ndu unu-a; me g'unu gude sefukotawaa eka l'agwa obvu bya aghachiwaru Chileke iphu; wata ejeru okpobe Chileke ono, no ndzu ono ozi; <sup>10</sup>bya awatakwapho ele enya Nwa iya ono, e-shi l'imigwe bya ono; mbu Nwa iya ono bu Jizosu, o meru o shi lonwu teta nodu ndzu ono. Oo ya bu onye l'a-dzo anyi l'oke-ehu-eghu ke Chileke, o-tukoshi ndu eme iphe-eji.

### Ozi, Pọlu jeru le Tesalonayika

**2** <sup>1</sup>Su-a; unubedua l'onwunu; unwunna anyi; maru l'akpafuta, anyi kpapfutaru unu ta abudu anyi ke mmanu. <sup>2</sup>E -gudekpooru l'anyi jewaru iphe-ehuka le Filipayi me iphe-iphere, e meru anyi; ole Chileke melekwaru-a obu shihu anyi ike; k'ophu anyi byaru ezia unu ozi-oma ke Chileke ono. Ophu anyi ejedururo epfu kele aakpobyi iphe, anyi eme akpobyi. <sup>3</sup>Mbu-a; teke ono, anyi l'arwo unu g'unu bya aburu ndu ke Kereshi ono be o to bukwa g'anyi bya edephua unu edephu; ophu o dukwa ejo-iphe, du anyi l'okpoma; ophu anyi abyakwaru g'anyi haru unu ghota l'ugho. <sup>4</sup>O chikwa go du Chileke l'uche g'anyi pfua be anyi epfuje. Noo le yebedua be lewaru anyi enya maru l'anyi goshiwaru lo gbaru ke ge ya gude ire anyi eka; o woru ozi-oma ono ye anyi leka. Anyi te epfukwa go tsoje nemadzu utso le nchi; gbahaa g'anyi pfuje iya goo-du Chileke ree; mbu onye ono, leletaje ime obu anyi; maru iphe, anyi l'ari ono. <sup>5</sup>Unu maru-a l'onwunu lo to dukpodaa teke anyi gude ire mecha mecha pfuru yeru unu. Ophu anyi emeduru umere go bu loo iphe, anyi abudu be anyi suru l'anyi bu; geeshi g'anyi erita iphe leka unu. O kwa Chileke bu onye a-haru anyi enge iphe, anyi epfua. <sup>6</sup>Anyi te emekwaru ge ndiphe; ozoo g'unubedua; ozoo ge ndu ozo jaa anyi ajaja. A makwaru-a l'eshinu anyi bu ndu-ishi-ozu Kereshi be o gbaru g'unu vuru mkpa-ehu anyi; <sup>7</sup>obenu l'anyi duru unu odoo ge nwanji adujeru unwegirima iya-a. <sup>8</sup>Anyi yeru unu obu shii; k'ophu o to budu-a ozi-oma ke Chileke ono kpurumu be anyi l'unu gba mgbu; anyi gbakwapho ndzu anyi mgbu; kele unu dunukaru anyi l'obu.

<sup>9</sup>Mbu-a; unwunna anyi; unu nyatajekwa egube akanya, anyi seru; l'anyi jekwaru ozi kuta ephuru phee. Teke ono anyi lezi unu ozi-oma ono, shi Chileke leka ono be anyi jeru ozi l'eswe jee ya lenyashi gude ejeta nri, anyi e-ri; go to du onye anyi a-buru ivu-erwa swiru. <sup>10</sup>Unu a-nodu agbakpodaru anyi odzori. Nokwapho ge Chileke a-nodukwapho agbaru iya anyi. Umere, anyi shi emejeru unube ndu kwetaru ozi-oma ono gekwaru egeru bya aburu umere, pfuru nhamunha. O to dukpodaa eka anyi metaru iphe, aata anyi uta. <sup>11</sup>Unu maru loo ge nna anoduje ehe unwu iya-a bu g'anyi shi gude ehe unu lehu lehu. Anyi duru unu obu; bya emee go bu shihu unu ike; anyi pfushiaru iya unu ike; <sup>12</sup>su g'unu meje iphe,

dù Chileke ree; mbù onye ono, kuru unu g'unu bata l'èka ya bù eze; waa l'òdu-biribiri iya ono.

<sup>13</sup>Iphe, meru g'o gude òphu anyi atuwojedu èka ekele Chileke ekele me anyi -nòdu epfu anù iya bù; lè teke unu nùmaru opfu Chileke ono, anyi byaru ezia unu ono bè unu ta anataðuru iya gè opfu nemadzù; obenu l'unu natarù iya gè Opfu Chileke; ò bükwarua Opfu Chileke bè ò bù eviya. Noo kèlè òò Chileke ono bè l'ere ire l'ime unubè ndu natarù ozi-òma ono. <sup>14</sup>Unwunna anyi; òò iphe ono, nwùru unu ono bù iphe, shi nwùaru Chìochi kè Chileke, bù ndu èphe lè Kéreshi tugharu bùru nanù l'alì Jiudiya. Òò 'èpho gè ndu alì unu eme unu mkpawere bù gè ndu alì èphebe ndu Jiu shi eme phekè iya. <sup>15</sup>Òò ndu Jiu ono bè bù ndu ono, gburu Nnajiùphu, bù Jizòsu; gbua ndu mpfuchiru Chileke; chĩa anyìbedua chifu l'alì phekè. Èphe gude ègube ono meta iphe, ta adùdu Chileke ree swibe onwophe. Èphe bùru ògu duru onyemonye. <sup>16</sup>Èphe kpòshiru anyi ezi ndu abùdu ndu Jiu ozi-òma, l'adzò phekè nù ono. Ò tò dükpodaa teke èphe te emetajèdu iphe-èji jasù l'oobe phekè l'èkpiri. Òlè oke-èhu-èghu kè Chileke bè mechakwanaaru dapfuta phekè.

### Oogu Pòlu ègu akpapfu ndu Tesalonayika

<sup>17</sup>A bya abya l'èhu k'anyi; ùnwunna anyi; anyi nòakwaru nwòdu òphu anyi l'unu ahùmaduru; òlè obu anyi nòkwa-a l'èka unu nò. Oghoroko unu dùta-beru anyi; k'òphu bù l'anyi shiwaa ùzenya seta g'eeshi g'anyi l'unu hùmakpoo òzo. <sup>18</sup>Anyi shi eme g'anyi eme kpapfuta unu; mbèdua, bù Pòlu l'ishi onwomu tükpoakwaru onyo abyabya ugbo olemole; òphu Nsetanu ekwedu g'anyi bya. <sup>19</sup>G'òoduhabe; ?ò duru òphu abùedu unu kpùrumu bè bù ndu anyi chìru ùpfu yeru bya abùru unu l'e-me g'èhu tsòò anyi ùtso; bya abùru unu bè l'a-bùru obunggo, anyi e-gudeje eku onwanyì l'atatiùhu Nnajiùphu anyi, bù Jizòsu Kéreshi mè ò -byalèpho òzo. <sup>20</sup>Mbù-a; ò kwa unubèdua bù iphe, ee-gude jaa anyi ajaja bya abùru unu bù èhu-ùtso anyi.

**3** <sup>1</sup>No iya; a nònyakpoo; oghoroko unu ono dùta-be anyi; k'òphu anyi adùedu ike tagbua ya lè nshi; anyi chĩa idzù sù l'anyi a-nòduwanu lè Atensu nkìnyì anyi. <sup>2</sup>Anyi zia Timoti, bù nwune anyi nwoke; bya abùru onye-ozì kè Chileke; bùru onye anyi l'iya tükòru ese akanya k'èzi ozi-òma kè Kéreshi ono; g'ò bya emee g'unu kabaa apfùshi ike; l'ò mekwaphò g'òbu kabaa unu eshihu ike l'iphe, unu kweru. <sup>3</sup>G'ò tò dù g'unu ha onye e-gude k'èhu-a, aakpa unu-a kpòlaahaa azù; eshinu unubèdua l'onwunu maru l'iphemiphe ono bù iphe, nwùfutajenu l'èhu anyi. <sup>4</sup>Lè-a; anyi gbuaakwaru iya unu tororo; teke ono, anyi nò l'ibe unu ono sù unu l'ee-mekwa anyi ewere. Nta-a bè unu eleanaa l'ò nwùwaru ègube ono òbu; ò bùru iphe, unu tükòru makòtaru. <sup>5</sup>Noo g'o gude mu nònyaa; òphu mu adùedu ike takòta nshi; mu zia g'a bya amaru g'unu pfù-shiberu ike l'ekwekwe, unu kweru kè

Chileke. Lẹ mu tsuhukwaru ebvu sù ?a maru nwandale ono ta ahụadaaru nù unu ama; akanya ono, anyi seru l'ẹhu unu ono buru akanya ọla-liswi.

<sup>6</sup>Ọle nta-a bẹ Timoti shiwaa l'ẹka unu nọ lwawaa lwapfuta anyi bya ezia anyi ozi, dọ ree sù l'unu kweshiru-a ike; bya enweru n-yemobu; ẹmẹ unu nọdu anọduje anyata anyi ọkpobe anyata tekenteke. L'ọo g'oghoroko unu aduje anyi bukwapfo g'oghoroko anyi dọ unu. <sup>7</sup>Unwunna anyi; ọ kwa l'unu pfuru pfushia ike lekwekwe, unu kweru kẹ Chileke meru g'o gude obu nọdu esihuje anyi ike l'iphe, bukpo iphe-ẹhuka, anyi eje; mepko ewere, eemekota anyi. <sup>8</sup>Kẹle ọo nta-a bẹ ndzụ bụ anyi ọkpobe ndzụ; eshi ọphu unu pfuru pfushia ike latugba, unu lẹ Nnajiuphu tugbaru. <sup>9</sup>Su-a; ?denukpo g'anyi a-wata awata ekele Chileke ekele ẹhu unu; mẹ k'ẹhu-utso ono, o meru ọ nọdu atsọ anyi l'iphe yẹbe Chileke opfu ẹhu unu ono? <sup>10</sup>Eswe l'enyashi bẹ anyi egudeje obu anyi g'ọ ha epfu anụ Chileke epfushi iya ike sù g'o mee g'iphe anyi l'unu kpogba; g'anyi e-mekwanaa; ẹka unu teke ekweshidu ike g'unu kweshia ike.

<sup>11</sup>Nta-a bụ gẹ Chileke anyi, bụ Nna anyi l'onwiya; mẹ Nnajiuphu anyi, bụ Jizosu Kéreshi tọoru anyi ọzo, anyi e-shi abya unu agbaphe. <sup>12</sup>Ẹmẹ gẹ Nnajiuphu mekwaapho g'unu kabaa eye nwibe unu obu; mbụ g'unu kwata ye phẹ iya yeshia phẹ iya ike; ye phẹ iya k'anyinyi. Nokwapho g'unu e-ye iya nemadzụ mgburugburu. Ono bukwarupho g'anyi yeru unu. <sup>13</sup>Ọo ya bụ; g'oo-mee g'obu shihu unu ike; unu a-pfuru l'iphe Chileke, bụ Nna anyi buru ndu ẹbe ree. Ọ tọ dudu ẹka ụta aduru unu teke ono, Nnajiuphu anyi, bụ Jizosu Kéreshi yẹ ndu nkiya a-swiru bya ono.

#### Umere, dọ Chileke ree

**4** <sup>1</sup>Unwunna anyi; iphe ọzo, anyi nọ l'ẹka Nnajiuphu anyi bụ Jizosu epfuru unu epfushiru iya unu ike bụ l'iphe, unu nwutaru l'ẹka anyi bukwa g'unu l'e-shi gude ndzụ unu eme iphe, dọ Chileke ree emeshi iya ike. Ọ buerupho iphe ono bẹ unu emeepho. Nta-a bukwa g'unu kabaa ya emeshi ike. <sup>2</sup>Noo l'unu mawaru-a l'anyi shi l'ẹka Nnajiuphu, bụ Jizosu tọaru unu ekemu. <sup>3</sup>Su-a; iphe, dọ Chileke ree g'unu meje iya bụ; g'unu dobe onwunu nsọ l'ẹka Chileke; mbụ g'unu ta anodukwa apharwushi onwunu ililekpo. <sup>4</sup>Mbụ-a; g'onyenonu lẹ g'unu ha majekwaru gooshi eme ẹhu iya g'ọ dọ nsọ; buru iphe, aakwabẹ ubvù. <sup>5</sup>Unu te egudejekwa aphụ kparikpari iya dalahụ iya je alụa gẹ ndu abudu ndu Jiu, bụ ndu amadu Chileke. <sup>6</sup>Ọo ya bụ g'ọ tọ dọ onye e-meswe nwibe iya; ọphu ọ dukwa onye e-mekputa nwibe iya. Mbụ-a; anyi pfuhaakwaru iya tsua ya unu atsutsu lẹ nchị; sù l'onye eme egube iphe ono bẹ Nnajiuphu a-gwakwa ọchi. <sup>7</sup>Noo lẹ Chileke ta abukwa g'anyi bya emerwushije onwanyi bẹ o kuru anyi oku iya; ọ kwa g'anyi dọ nsọ. <sup>8</sup>Ọo ya bụ; l'onye jikaru iphe ono, anyi ezi ono ta abukwa nemadzụ bẹ ọ jikaru. Ọ kwa Chileke b'ọ jikaru; mbụ Chileke ono, anuje Unme-dụ-Nsọ iya ono.

<sup>9</sup>A bya abya lẹ k'eye unwunna unu obu; ono ta abuhakwa iphe, aabya awataru unu ederu l'ekwo. Noo kele unubedua l'onwunu be Chileke l'onwiya ziwaru eye nwibe unu obu. <sup>10</sup>Mbu unu nodu emeekwapho g'o ziru iya unu; bya eyee unwunna anyi, nokota le Masedoniya mgburugburu obu egube ono. O le iphe, anyi epfushiru unu ike; unwunna bu; g'unu kabakporo eme egube ono kwaseru. <sup>11</sup>Unu kukebeje ehu g'unu nodujee-pho le nchi odo; leta enya leje ozi ehu unu; gude eka unu setaje iphe, unu e-gude buru, buhukwaa iphe, anyi pfuhawaru unu-a. <sup>12</sup>Noo iphe unu a-noduje eme: o buru iya bu umere, gbaru unu leka ndu ta abudu ndu ke Kereshi no; k'ophu epe a-kwabeje unu ubvu; o to dukwanu onye unu a-su l'oo ya teme unu emee mkpa, duru unu.

### Abyabya Nnajiuphu

<sup>13</sup>Unwunna anyi; iphe, anyi eme g'o doo unu enya bu ke ndu nwuhuru anwuhu; g'oo-too rwujekwanu unu lehu shii g'oorwuje ndu te eledu enya kele epe le Kereshi emecha nodukota. <sup>14</sup>Anyi kwetawaru kweshia ike le Jizosu nwuhuchaaru bya eteta nodu ndzu. Nokwapho g'anyi kwekwarupho le Chileke e-shi Jizosu leka tuko ndu woadaru onwophe ye Jizosu leka teme epe nwuhu mee g'ephe le Jizosu tuko teta nodu ndzu; mee epe etsoru iya bya.

<sup>15</sup>Su-a; iphe-a, anyi epfuru unu-a be bukwa ozi, shi Nnajiuphu l'onu; l'anyi be ndu ophu a-nodukwadia ndzu teke ono, Nnajiuphu a-bya ozo ono; be tee vukwaru ndu ophu nwuhuhawaru nu pho uzo. <sup>16</sup>Noo le Nnajiuphu l'onwiya be e-shi l'imigwe alwazeta l'ali; gude olu eze onye-ishi ojozi-imigwe echi mkpu; egbukwapho opu Chileke. Tobudu iya bu; ndu ono kwetaadaru ke Kereshi teme epe nwuhu ono evuru uzo teta nodukota ndzu. <sup>17</sup>Chileke ezichata anyi be ndu ophu nokwadu ndzu teke ono; anyi lepepe atuko nodu l'ime urwukpu jeshia Nnajiuphu, bu Jizosu ndzuta l'ephekerephe k'ophu bu; eka Nnajiuphu nokpoephe; anyi anodu. <sup>18</sup>Oo ya bu; unu gudeje opfu-a da nwibe unu obu.

### Anwuru enya kwaberu abyabya Nnajiuphu

**5** <sup>1</sup>Su-a; unwunna anyi; o to buhekwaro iphe, aabya awata ederu unu l'ekwo su unu l'o waa egube teke o bu; ozoo l'o waa mboku, iphemiphe ono e-me. <sup>2</sup>Kele unubedua l'onwunu maru okpobe amaru le mboku, Nnajiuphu a-bya be a-tu l'upfu g'iphuru, byaru oshi lenyashi. <sup>3</sup>Kele oo teke ndiphe suru: "Ha! Mgboko dukwaa jii nta; oo akwa g'onyenonu jeje eka du iya ree." Noo teke bu; a -bya amaru ola-l'iswi atu phe l'uzorehu g'ezeda atuje nwanyi, du ime-a; woru phe yifu; o to dudu me onye lanu anahu nu. <sup>4</sup>Obenu-a; unwunna anyi; unubedua ta anokwa l'ochii ke ge mboku ono tu unu l'uzorehu g'abyabya onye-oshi. <sup>5</sup>Noo kele g'unu ha be bu ndu bu l'iphoro me leka bu eswe. Anyi ta abukwa ndu bu leka

bụ ɛnyashi; ọ́phu anyi abụkwa ndu bu l'ọ́chii. <sup>6</sup>Ọ́o ya bụ; l'eshinu ọ́ dū ẹ́gube ono; g'anyi te kukwaru mgbenya ẹ́ ɛndu ọ́phuu ekugbaa. Ọ́ chia g'anyi nwuru ɛnya; g'ɛnya doo anyi r̄isaa. <sup>7</sup>Mbụ-a; ndu eku mgbenya bụ-kwa l'ɛnyashi bẹ́ ẹ́phe ekuje iya. Ọ́ b̄uru l'ɛnyashi bẹ́ ndu angutaje mee akpọ́ kulakula anguje iya akpọ́ iya. <sup>8</sup>Obenu l'eshinu anyị́bedua bu l'ẹ́ka bụ́ eswe; g'ɛnya donaa anyi r̄isaa. G'ekwekwe, anyi kweru kẹ́ Chileke yẹ́ eye obu, anyi yeru ibe anyi b̄uru uwe-ígwè, anyi e-yeje; mbụ́ uwe-ígwè, l'egbobutaje anyi ọ́kpoma. G'adzọ́ta ono, anyi ele ɛnya iya ono b̄uru okpu-ígwè, anyi e-kpuru. <sup>9</sup>Chileke ta atụ́kwaru anyi ẹ́ka g'anyi b̄uru ndu ya a-tukoshi oke-ẹ́hu-eghu iya. Ọ́ chikwa g'anyi b̄uru ndu ya e-shi Nnajiuphu anyi, bụ́ Jizọ́su Kéreshi l'ẹ́ka dzọ́ta. <sup>10</sup>Mbụ́ Jizọ́su ono, nwuhu-chiru anyi ono; g'ọ́o-buru e -mechaa; anyi l'iya atụ́ko dzuru ndzụ́ teke ọ́o-bya; mẹ́ anyi -nọ́ ndzụ́; mẹ́ anyi -nwuhuru anwuhu. <sup>11</sup>Noo g'ọ́ gude anyi sụ́ unu-a; unu meje g'ọ́bu shihu nwibe unu ike. Unu eyejekwaruphọ́ nwibe unu ẹ́ka g'ẹ́phe p̄fushia ike l'iphe, ẹ́phe kweru, b̄unaa iphe, unu emena-a.

### Iphe, unu e-meje

<sup>12</sup>Unwunna anyi; ọ́ kwa arwọ́rwo bẹ́ anyi arwọ́ unu sụ́ g'unu kwatajẹ́ kwabẹ́ iphe, bụ́ ndu ono, l'ese akanya ẹ́hu unu ono ùbvù, bụ́ phẹ́ bụ́ ndu ono, Nnajiuphu họtaru g'ẹ́phe b̄uru ishi unu; b̄ukwarupho ndu a-nọ́du akpọ́-ziru unu ọ́zo. <sup>13</sup>Unu egudekwaphọ́ k'ozí ono, ẹ́phe ejeru unu ono eyeru phẹ́ eso; yekwaa phẹ́ phọ́ obu ọ́kpobe eyeye. Unu l'ibe unu eburu lẹ́ nchị́ odoo.

<sup>14</sup>Ọ́o arwọ́rwo bẹ́ anyi arwọ́kwapho unu unwunna; sụ́ g'unu lojeru ndu ɛnyiru-ozí ẹ́ka lẹ́ nchị́. Ndu ọ́phu obu ebvuduru ebvuru bẹ́ unu e-meje g'ọ́bu shihu ike. Ndu ekweshiduru ike bẹ́ unu eyejeru ẹ́ka g'ẹ́phe kwe-shia ike. Unu atajeru onyemonye nshi. <sup>15</sup>Unu letajẹ́ ɛnya g'ọ́ tọ́ dū́ g'unu ha onye e-gudeje ejo-iphe melata nemadzụ́ iphe-eji, o meru iya. Gbahaa iphe, unu a-nọ́dujeepho achị́ nta iya bụ́ g'unu e-shi mejeru nwibe unu ree; mekwaaru iya phọ́ onyemonye ọ́zo.

<sup>16</sup>G'ẹ́hu tsojekpoepo unu ọ́tso tekenteke. <sup>17</sup>Unu ta atuwọ́jekwa ẹ́ka l'epfu anụ́ Chileke mkp̄urumkpuru. <sup>18</sup>Unu keleje Chileke ekele iphemiphe, anwuru unu g'iphe aduhabe. Noo iphe, Chileke achọ́ unu l'ẹ́ka bụ́ ono; unubedua, unu lẹ́ Kéreshi t̄ugbaru b̄uru nanu-a.

<sup>19</sup>Unu ta agbanyijekwa iphe, Unme-dụ́-Nsọ́ eme. <sup>20</sup>Ọ́phu unu anmajẹ́-kwa mpfuchiru phulaphula. <sup>21</sup>Ọ́le-a; unu hujekwa iphemiphe ama; họtá ọ́phu dū́ ree; gudepyabeshia ya ẹ́ka ike. <sup>22</sup>Unu esefukọ́ta ẹ́ka l'iphemiphe, bụ́ ejo-iphe g'ọ́ dū́habe.

### Opfu mkpochi-ishi

<sup>23</sup>Anyi sụ́-a; ẹ́ Chileke, bụ́ iya emeje g'anyi buru l'ẹ́hu-guu mee unu g'unu b̄uru ndu nkiya ọ́kpobe aburu. G'ọ́ dobe ndzụ́ unu l'ophu; mbụ́ uche

unu mę obu unu mę ęhu unu; l'o dobe iya nno g'ọ tọ dọ ęka ọta a-dọ iya teke Nnajiuphu anyi, bọ Jizọsu Kéreshi a-bya ọzo. <sup>24</sup>Iphe ono bę bọ iphe, oo-mekọta g'ọ ha; noo kele ọo ya kuru unu; tẹme ọ bọru onye apfushije ike l'iphe, o pfuru.

<sup>25</sup>Unwunna anyi; unu pfujekwa nọ Chileke l'opfu ęhu anyịbedua.

<sup>26</sup>Unu kelekwa iphe, bọ unwunna anyi g'ẹphe ha ekele nmata pẹ akpa, dọ nsọ.

<sup>27</sup>Iphe, mu eme gę mu pfuaru unu bọ; unu gụkwaa ẹkwo-ozia g'ọ rwu-dzuru unwunna l'ophu lẹ nchị. Nnajiuphu anụkwaa iphe-a, mu epfu-a.

<sup>28</sup>Gę Nnajiuphu, bọ Jizọsu Kéreshi meeru unu eze-iphe-ọma g'unu ha. Nokwa g'ọ dọ.